

祖氏遺編





祖氏遺編卷第五

浦城世裔之望編次

著述

宋祖無擇

書高辛氏廟

平昔敘星辰元功祀事分因人列官紀行道亞皇墳高

躅追顓頊嶽聲壓放勛淳風今不競帝典世無聞陵古

森喬木祠新際遠氛樵蘇當季運血食屬明君

開寶六年初建

是舊壤資庥廕遺黎薦苾芬春秋奏簫鼓疑是六英文



依韻和登州推官張同年登之杲

峻極乾蒼蒼班移自混茫勢臨坤軸斷根入海濤疆屹

立踰千仞孤標冠四荒與雲山近泰出日谷連暘絕境

於斯勝煩襟到北涼山經終寂寂祀典謾煌煌

山海經不載此山秦祠八神五巖黑驪龍睡烟清采鳳翔藏書陋羣玉

日陽即此山也中瑟小空桑空桑山材禹載無遺跡秦碑有舊章乘輿

會直上鞭石宛居傍在昔初遷鼎當時異省方縱心師

誕妄恃力逞強梁儒學微言絕神仙怪說彰錫符尊德

水留識著吾漿豈念思王度惟期至帝鄉齋男何杳杳

秋祝自琅琅詎得三山藥翻同一國狂八神寧爾福二

世果斯亡始禍聞陳涉遺書見子長龍興成大定虎噬

免交攘往事真塗炭寒心劇刺芒自從茲滅國誰復此

祠陽冤毒疑淪髓凋殘競沐瘡鑒宜觀夏后道合慕陶

唐聖世踰三代明君掩百王朝廷隆盛禮簡冊耀休光

運契千齡統歌喧六達莊古今稱治理夷夏共瞻望洪

化周無外羣生洽太康東民休望幸端拱德芬芳

暮秋江上逢端州朱使君詩以申餞

奕葉清芬遠夫君素履恢人皆推世德我亦愛卿材新



命一麾守長途萬里來畫船江雨暗紅旆海風開服嶺  
先聲浹編氓美化該此行真邂逅幾日共公洄去矣瞻  
仙棹依然對酒杯前程如見憶爲寄早春梅

落星寺南康

金碧共玲瓏樓臺浩渺中雨花僧講盛星石寺英雄巖  
岫廬峰對波瀾蠡澤通微紅看海日遠綠認江楓鷗鳥  
機心息潮音梵唱同人間羣玉府寺有太宗皇帝御製御書物外廣  
寒宮雨衲蒸多壞塵襟到自空扁舟五湖客長此伴支  
公

瀑布廬山

絕巘千尋勝飛泉萬疊痕寒光涵玉岫靈派析璇源峭  
壁河流立蒼崖井浪翻猿悲經樹急龍駭落潭渾氣爽  
諸峰秀聲和衆籟喧功成身退日期此灌中園

遊真陽石室

皇祐元年十一月丙申任廣東  
提刑日所作有石刻在英州

昔讀到難篇乃聞真陽室亦嘗惟斯人稱道或浮實邈  
在數千里莫覩烟霞質青山有獨往吾志久已必如何  
驂俗駕尙此紆朝紱謬分南顧憂惟刑在欽卹孤宦雖  
云遠勝跡其敢失行行訪雲巖草樹披蒙密呀然一穴



開勢欲吞朝日嵐光屏幃展乳溜龍蛇屈溪流自清泚  
松韻何蕭瑟酌酒飲遊客謂言此可述周生誠不誣所  
紀窮纖悉惜哉非吾土無由寄蓬華平生邱壑心與道  
共烟鬱難進而易退終當守儒術唐周夔作到難篇即此山謂離長安遠故  
故到者  
難也

景臣同年郊兄作亭於公居之池上予登而名

之日夢草且賦詩以志焉

新構俯漣漪名標謝客詩窗明溪雨過檻靜竹風吹賀  
厦應容燕巢蓮亦許龜何人倦漂泊此地好追隨兀兀

乘籃輦厭厭倒接籬秋芳正堪賞樽酒莫過時

題仰山二十韻

維南斗牛下萬仞聳崔嵬日上光先占江盤勢却回一  
方蒙雨露幾處對樓臺不逐秦鞭去曾經禹載來雲生  
峰慘澹冰泮谷喧阗險外烟嵐變深中洞府開巖花春  
灼爍溪鳥暖毳毼飛瀑含清籟垂龍走疾雷平川蕭廟  
闕半腹鄧壇摧精蘊瑤瑰寶培鍾杞梓材僧軒宜薜荔  
樵徑怯莓苔旁睨龍州橘前瞻庾嶺梅仙經饒地肺賦  
筆讓天台神物多靈貺農田少旱災隱居須獨行吟咏



亦難才何客能依止伊予語敢哉一麾成繫滯四友阻  
遊陪未脫紅塵累徒嗟白髮催夢頻生枕席賞每倒尊  
罍預恐瓜時伐圖歸作醉媒

途次金陵逢同年沈五判官

數載天涯別年來不定居扁舟忽相值孤抱信何如公  
幹猶多病春述孝先仍嗜書自謂人生從坎壈客意且躊躇  
沒薄市橋酒鮮肥江岸魚可來同飲食勿笑此蕭疎

和御製賞花釣魚

時為中書舍人

禁籞春深御幄開鳴鞘曉出五雲來花含瑞色三危露

酒湛晴光萬壽杯香餌得魚波滉漾仙音儀鳳日徘徊  
微臣叨竊逢辰幸持橐甘泉此從陪

九日陪舊參政蔡侍郎宴潁州西湖

秋晚西湖勝槩多台軒來此駐鳴珂沙鷗散去驚絲竹  
烟柳低垂間綺羅亂擲金錢和露菊狂搖鈿扇倚風荷  
下僚幸接曹尊末率爾翻成擊箸歌

讀王元之後集題於卷末

其集三卷皆出黃州後所作詩

提筆幾回書誥命剖符長是守方州未能抗表分司去

五閑詩又題云何當終老為郎謫宦休歌舞嬾呼寒食

婚嫁了抗表請分司

祖氏遺編

卷五

五皆山草堂校刊



節寒食讌郡客詩云歌舞嬾呼  
醉吟孤坐月波樓月波樓詠  
詩獨酌詩云孤吟獨酌送文章獨步成何事太宗嘗曰  
殘春坐久樓邊白鳥馴王禹偁文  
章獨步異日空有離騷寄隱憂  
垂名不朽

### 寄獻闕下一二知己

公道當朝絕比倫因憑暖筆變孤根纔衝霰雪遊梁苑  
便逐風雷化禹門南郡已甘拋絳帳東州何幸佐朱旛  
心懷象魏身江海兩地悠悠欲斷魂

### 歷城郡治凝波亭齊州

耿耿層構俯清漣山色波光曉共鮮形勝增雄齊十二

風流素盛客三千鋪舒柳影眠鷗渚欺壓蓮香載妓船  
公退每來須度日塵纓未濯媿潺湲

### 留題泰山孫復先生新居

築室新成日觀前亂雲重疊稱高眠人逢捫蝨驚旁若  
衆望乘駒詠賁然名理靜談誰捉麈古書閒校自磨鉛  
行聞天子東巡狩羽葆親臨此禮賢

### 試筆

濟南通守欲期年最課無成媿古賢却爲簿書拋筆硯  
每思樵釣負林泉浮名自信雖徒爾薄俸相拘且勉旃



已共妻孥約生計會須搔首賦歸田

監丞蕭君見貽嘉句仍惠芳醪強率鄙詞輒繼  
高韻聊資適爾深媿斐然

遲日和風婉婉春感時情思浩無津煩君遠寄中山酒  
顧我方爲洛社人濡筆便思題素扇當尊難惜吐芳茵  
已欽才妙兼懷惠相遇文場願捧輪

寄泰山孫復

卽明復也

先生心與白雲閒五十秋風髣不斑自有清名滿天下  
更無塵跡到人間朱金樂外非攸好貪懦聞風合厚顏

不待高吟見招隱見收餘俸買青山

蕭五監丞新作堂成名曰知雄且賦彫章題之  
屋壁勉率蕪惡以繼高韻

况堂佳號塵遊外題筆新吟藻思春朴素自持師老氏  
清醒常戒鑿靈均窮通一致由知命恬智相須合入神  
因覽君詩我顏厚不能假日樂天真

贈牛仲容

吾君肝食念邊陲天下英雄待聘時仁義未行真處士  
功名不立豈男兒臥龍誰識南陽隱失馬何勞北叟悲



生嘗求薦莫向林泉賦長往秋風吹子鬢毛衰  
濟南不利

### 張寺丞鳴玉亭書事

爲憐瀟洒近城闈來往何曾問主人  
列岫曉昏雲郁郁  
流泉秋淨石粼粼  
陸機詩就休招隱  
班固文成正答賓  
愁見西峯日將暮  
却驅羸馬入埃塵

### 庚辰清明州衙不送新火

禁烟故事存遺俗改火平時有舊章  
縱道齊民皆按堵  
堪驚烜氏味修方  
晨炊已絕供賓饌  
不似前年爲客日  
當鄰猶許借餘光

### 赴任南康將經九江游二林先寄交代關屯田

平生山水有心期  
今得軍麾慰所思  
我欲因行訪蓮社  
君應未訝過瓜時  
若逢勝槩終朝住  
兼領閒僧到處隨  
莫遣迎新吏人至  
雲閒泉畔不相宜

### 送交代關屯田赴闕

謝公雅尚廉侯政  
兼得如君不可加  
自有袴襦歌道路  
長驅旌旆訪烟霞  
林僧解誦松窗句  
廳吏能封竹檻花  
今日北轅堪健羨  
清風留與後人誇

### 琵琶亭



晚泊湓江半客舟琵琶亭下動閒愁霓裳六么杳何許  
楓葉荻花空自愁賈傳有才悲鵬鳥楚騷終古怨靈修  
莫言司馬青衫濕今日行人亦涕流

南康春日

慙媿東風破臘來一尊清聖為君開無方可使朱顏駐  
有客相逢白眼迴老大漸能知世態疎庸那復計身媒  
遙憐伊洛冰應泮芳草還荒舊釣臺

簡寂觀 觀即陸修靜先生所居名即先生之謚號焉

順風曾屈帝王尊身後高名與觀存石室深居廣成子

布囊薄葬楊王孫流塵冪冪凝丹竈清吹徐徐觸絳旂  
牢落空山門晝掩羽人亦說絕囂煩 梁沈旋碑云止煩日簡遠囂在寂即義表名也

右軍墨池

匡廬峰下歸宗寺曾是當年內史居繭紙世傳遺迹後  
墨池人記作書初秋毫幾老崇山兔舊法空觀得水魚  
筆勢圖云先取崇山絕谷中兔毛八九月取之又珍重用筆法云送脚似遊魚得水合頭若崇山與雲也  
僧家能好事朱闌碧甃壯庭除

清明日與二三賓客賞花陳判官為推勘他州



事不預是會以詩抵予因次其韻酬之

寒食春光正好誇小筵應免負芳華清談且喜交揮塵  
賭酒何須要畫蛇撥火雨餘微綠潤落花風急亂紅斜  
幕中有客應惆悵今日全輸太守家

秋日天平驛書事

孤館無人慰寂寥感時情抱楚旌搖縱橫著物秋聲起  
早晚飄空殺氣消衰髯已同潘騎省壯心猶羨霍嫖姚  
誓江義勇吾家事一嘯天平萬木凋

濟上夜泊寄杜秘校

十幅蒲帆一竹篙隨流逐浪我心勞幾程烟水秋光遠  
半夜星河天氣高正想黃陂何淼淼可憐禹竇更滔滔  
猶欣明發諧相見願奉清言散鬱陶

經劍池

皇祐元年八月晦日題詩以  
秘書丞爲廣東提刑經過

巧冶何年百煉金刺鐘芒刃此湮沉氣衝牛斗雖難掩  
鑿遇張雷始見尋恍惚莫窮神物遠波瀾空在曲池深  
鉛刀也強思磨拭悵望西山與華陰

送春長句呈李泰伯

時在  
袁州

盡日臨風把酒卮宜春臺上送春歸已看綠樹陰陰靜



猶有殘花帖帖飛歲月任從隨手過功名未必與心違  
我緣客宦無常處後會如今亦恐稀

送潘華陽

河陽苗裔有英翹年少聲名動帝朝月桂我欣同賜弟  
澗松人惜此沈僚金牛開道秦川險竿馬來賓漢使遙  
想到刀州遇知己便從平地上烟霄

微子廟

億兆夷人困獨夫惟君先見得良圖爲人始欲扶商祚  
去國終能啟宋都鐵鑕豈甘因諫死髡鉗仍免作官奴

千年廟食應無愧知退知亡卽聖徒

寺有四絕一日靈巖予以赴官獲此稅鞅因賦  
拙句用誌其行

常想靈蹤得到難因回征轡此盤桓松風逗磬僧齋冷

石水環堂客夢寒聖作自同堯典布

寺有偃蓋松白鶴泉及藏太宗皇帝

御製御書古碑猶是魏朝刊最憐山色當樓好欲去重來一

凭闌

贈商水連尉同年

場屋相知最有情去年同試便同榮神仙名籍輸梅福



典冊文章滯馬卿泣玉淚收休積恨擲金詞在藹新聲  
公卿好致歸臺閣莫遣徒勞浩嘆生

次韻和酬張旻秀才見寄

傾蓋相知分不同遠憑郵置枉緘封題評祗益頭更昂  
刻畫何曾補陋容綵服時行君得意朱幡假守我勞悰  
予方權領郡事論文未遂西齋約早晚重親太儻鋒

明水鎮水陸禪院

誰卜精藍若畫屏四邊山色與泉聲野僧慣見心應樂  
俗客偷來骨亦清晚吹乍回香篆破曉雲纔散蠟燈明

吏人莫怪徘徊久自得閒情減宦情

龍圖范給事以禪服向除修治瑩域就山築室

因爾書懷俾無擇繼和謹次用其韻

采采陔蘭負義親幾思定省泣晨昏三年已畢先王制  
盡日將承聖主恩名遂自同周柱史諫違誰記魯臧孫  
考槃在澗雖云樂祗恐泥書到遠村

田四秘丞通判鎮戎軍

身紆茜綬朝章貴手把芝函帝命新方朔上書曾自薦  
祁奚外舉果知人公前年應運籌決勝科今爲侍讀李侍郎保任被召試策入等遂領此命



往西北用兵運籌暫逐征西將持橐看歸拱北辰我亦潛心  
禦戎策羨君抗旆擁朱輪

官況

物態無端固盡諳自為俗吏欠清譚豈憂官況全蕭索  
祇畏人言足二三玉勒已辜尋晚陌錦鱗猶憶釣秋潭  
公餘自遂疎慵性從道嵇康七不堪

哭鄆州孔給事二首

出入多年侍紫宸封章頻上觸龍鱗杼投幾見疑慈母  
檻折終聞記直臣闕里忽驚歌曳杖洛陽那復見埋輪

師門一慟盈襟淚痛為明時惜正人

聖孫家世嗣衣纓夫子當朝有令名許國志堅存亮直  
致君心切贊隆平明庭抗疏忠言在列郡班條惠化行  
不享永年兼大用終天遺恨負蒼生

夏州叛

羽檄星馳軫聖憂出師十萬擁貔貅朝廷命將詩書府  
廊廟論兵帷幄籌舜后舞干期振旅漢臣投筆待封侯  
宣王六月存周雅願繼徽聲頌國猷

寄澶州孫司理



明道二年同夏課四人兩舉盡登科孤寒惟子辛勤甚  
虛薄伊余忝竊多宦路驅馳今各自名場出處舊相過  
感今懷舊無慘賴不學臨風發浩歌

送孟湘虞部赴闕

科名拾芥職三虞落落雄才與眾殊為政人驚今遂霸  
論兵自比古孫吳倚廬已見因心著公近居先大夫喪哀毀過制結  
綬還陪辨色趨不似馮唐空白首漢皇今正渴嘉謨

送劉進士遊邊

朔風動地雪花明去去從知指戍城楊藿失縻千里驥

食魚翻嗜五侯鯖狂途望斷河冰合旅館吟殘海月生  
且共淹留話離索一樽濁酒為君傾

同年楊兄作尉藜道兼領勾稽之任賦七言四  
韻詩以送之

縣城荒僻民居少吏事全稀似隱淪且喜桑郊接鄉樹  
莫嗟藍綬染京塵鸞姿豈合淹仇覽仙骨應難滯子真  
好在公餘頻寄問我方江上學垂綸

朱嘉言雅善飛白一日書八字貺予因成長句  
謝之



輕如游霧重如雲學到精微妙入神奇迹昔年傳聖帝  
高名他日壓烏巾誇呈朋友防求副留教兒孫恐失真  
天子清閒好揮翰似君須合侍嚴宸

送韓尉員外

幾年獻賦向公車四十方爲冉冉趨昔競寸陰終蹭蹬  
今貪斗粟尙踟躕潘郎毛鬣看將白陶令田園說已蕪  
官滿還歸省門下預應搔首重長吁

題魏野園

陝府

曉日東郊扣隱扉瞳瞳初日弄朱旗黃稍風舞先生柳

紫頰霜殷

烏閑切赤黑色也左傳云左輪朱殷

大谷梨粉艷清歌穿邃閣

自翠溪寒韻落幽池我來載酒山翁醉且喜秋香菊滿籬

誚王安石乞分司西京避讒而去因以述懷

割斷攀緣宰相權憂危爭似我身全試觀竿上拋生體  
且擬波中戲釣船名利不求還獨樂是非莫辯祇高眠  
何當對景幽堂坐更得閒吟度百年

題三教圓通堂

其堂在蔡州開元寺內龍學時知制誥

師本佛之徒潛心老與儒一堂何所像三教此焉俱香  
火長相續丹青久不渝高賢旌好事二記聳龜趺



馬山讀韓吏部集

驅羸勸遠征尺筆亦慵擎却得開編看仍教縱轡行儒  
推文暢行詩許孟郊鳴盡日既遺味渾如挹太羹

至齊五月兩院獄空喜而成咏

厭預鈴齋議欣聞獄犴空王章用舊制五月紹遺風止  
繫垂衣治非干別駕功惟期四海內刑措與周同

眠役于清偶書四韻寄示幕中賓客

經旬一水湄風土化縮衣豈敢嗟于役何當賦式微雲  
山晴特秀花木暖相輝期子同攜手春遊事勿違

齋中卽書事

軍壘無多事朝晡且放衙吏人如野鹿公署似僧家京  
信因求藥賓權爲門茶忘懷塵俗外枕藉祇南華

姜先生廟

先生高世跡舊隱白雲深結字知何代遺祠直至今地  
分壇杏影門接社蓮陰我亦希風者終朝托玉岑

贈廬山崇勝珂長老

珂也僧中秀曹溪得祖衣雲泉聊適往銜錫遂忘歸九  
月秋風老千山暮雨霏我來陪靜話相對兩無機



送承澤上人歸寧富沙

五老峰前見過從一歲餘還將隨客棹歸去侍親與乞食江雲際牽吟臘雪初祇應清夜夢時復到荒廬

酬江西運使齊工部見寄

龍坂彌年別長茲仰道風夢會瞻使節喜忽得詩筒詞藻春林秀恩私地鎮崇因將示知者傳誦滿江東

游韶石

純音何寂寞秀色自崔嵬巖草遺簫在溪禽學鳳來余希探禹穴人似畏軒臺登眺秋風裏煩襟盡日開

吏隱宜春郡詩十首

吏隱宜春郡年豐訟獄稀餘糧委南畝茂草滿園扉天意憐艱食民心恥畫衣萬家行樂處車馬有光輝

吏隱宜春郡溪山若畫圖纖鱗時自躍幽鳥靜相呼曉浪噴寒雨晴嵐鎖綠蕪漁樵本無事搔首重踟躕

吏隱宜春郡追惟二相賢房瑄李德裕節明天寶日業茂會

昌年友善會何累朋誣亦自煎瑄坐與李適之韋堅等善貶宜春太守德裕為

王璠李漢等所誣不才非不幸異代若差肩

吏隱宜春郡閒思應舉時端居若貧賤徒步入京師誤



寵乘軒鶴釣憂入廟犧功名在何許雙鬢已垂絲  
吏隱宜春郡鄉園去路賒間關成客宦荏苒度年華出  
水魚吞餌辭山鳳在笈誰年千里隔夜夜夢吾家  
吏隱宜春郡同僚得俊髦純音等疏越餘刃劇豪曹器  
識青雲遠歌詞白雪高遂令遷客意不復賦離騷  
吏隱宜春郡山城少客過靜中窺物理閒外養天和春  
暖尋花塢宵涼玩月波將迎者誰子勞逸兩如何  
吏隱宜春郡放懷詩酒間未能慙下里幾欲效中山杜  
甫藩籬窄元稹論杜牧之優劣曰季尚不能歷其藩籬况堂奧乎劉伶幕帟慳高

吟與沉醉榮辱詎相關

吏隱宜春郡窮通嬾更占矜名遭巧譖悔跡喜深潛昔  
慕狂爲聖今師智養恬優游無一事不覺歲時淹  
吏隱宜春郡素餐誠有餘政聲慙遂霸文藻謝嚴徐使  
節分銅虎仙廬秘石渠君恩殊未報不敢賦歸歎

題紀信廟

漢祖臨危日將軍獨奮功一身雖是詐萬古盡言忠樹  
老風聲澀天寒景色空我來觀廟貌無語對村翁

昇州保寧寺鳳凰亭



鳳臺雖舊址亭榭斬新開荆棘榛蕪去江山氣象來明  
君虞氏化賢守次公才遲爾離丹穴飛飛止此臺時龍圖葉

起居鎮金陵

### 留題女郎臺

女郎臺上寺寺影蘸湖光夜梵星辰近晨齋鳥雀忙烟  
滋楊柳綠風送芰荷香欲下還慵下憑闌到夕陽

### 春郊卽事

東方驅曉騎南畝勸春耕試與牧童語因知林鳥名雨  
前茶正小社後酒猶清可笑豚蹄祝篝車望豈輕

### 送李承知京兆司錄

纔從知己薦公近以知己又應辟書行今知府天章孫

慰薦改官任廷尉官聯重軍謀職任清華巖東野秀紫閣晚峯橫

盡是供吟處歸應新集成

### 送宋司丞通判邛州

半刺侯藩重臨邛驛路賒將經灞陵樹先看洛陽花土  
物張騫竹民封卓氏家為君傷遠日日斷袞斜

### 秋日感懷

多病多愁客新秋百感生異鄉違土性孤宦見人情案



厭留燈讀田思帶雨耕不堪臨曉鑑潘鬢二毛成

寄穎川兄

川陸一千里交涼六十旬意通書信少思入夢魂頻身  
外宦情薄眼前人事新祝兄無見念憂道不憂貧

舟次張澤阻風

舟楫雖佳與風波即畏途我心何所懼世路此無殊銜  
尾千艘汨爭頭萬怪趨颼然不終日揮手謝淳洿

寄題漢州西湖兼簡知郡馬屯田

房相留遺愛清風湖水長人思浴池鳳誰識濟川航白

雪徽音遠

太尉善於彈琴

洪鈞道化光還聞繼高躅新有召公

棠

寄千乘劉殿丞求字人編

千乘劉夫子高名繼謫仙從居鹿身邑已著字人編才  
入鍾嶸品文期鄭氏箋何當求副本長願播匏弦

寄信安判官張秘校

蓮幕從軍客蓬仙與校人才章過鮑謝文契敵雷陳婉  
婉謀畫暇翩翩書問頻徒知感高義猶阻奉清塵

泗水



紀地復涵虛清疑顛氣俱東家遺教遠夏后建功殊冷  
色平吞魯長波迴勝吳闕二句

沈康赴江西掾

高譽冠時英人皆倒屣迎決科材尚屈掌獄職人輕滕  
閣吟登健吳山醉望青公餘如訪古一爲問豐城

張唐民下第東歸

學古功非淺干時命尙迤拾青辜壯志垂白念慈親歸  
路天同遠生涯世自貧吾知君道闕

送人作尉臨潼

年少文能老新曾射策來從橫博古學慷慨濟時才黃  
綬官徒爾青雲志在哉他年歸會課遲子出塵埃

書懷寄呈萊州張學士

從作東齊吏經年寡往來朱顏隨日減青眼爲山開學  
政慙能政論材信不材何人慰孤寂知己在蓬萊累辱書閣

兼賦詩  
筆故云

萬大傳知惠州

惠州君未到聽我送君吟去路九韶石鄰封八桂林下  
車秋色老望闕海雲深善政多餘暇無忘惠好音



送新州陳式虞部

大庾嶺南郡新興事若何  
還珠合浦近辟惡蜜香多  
主聖天如覆時平海不波  
更逢賢太守應有袴襦歌

送蓮房與屯田

問遺不必貴要之資闕  
如蓮房三百枚采掇亦云初  
持以侑尊酒甘泉卽有餘  
野老獻芹意今予其有諸

題安成劉伯玉日新亭

積善家餘慶日新亭可云  
詩書盈几有道藝喜時聞  
兒姪旣登學晨昏在克勤  
欲知榮地力此便是青雲

寄成都詩人謝希濤

嘗聞遊蜀客來說謝希濤  
氣稟江山秀名因翰墨高  
新詩來自遠去歲得詩三十首  
密意念空勞拙句聊相贈  
應頻報

錯刀

秋曉寓目

梧桐冷墜春宮井沉瀼光  
浮漢苑盤倚杵遠天垂六  
幕照梁初日上三竿

鴛鴦

水宿雲飛無定期雄雌兩  
兩鎮相隨到頭不會天何  
意



却使人生有別離

後池新柳

客來莫怪寡心情俗吏喧嘩不喜聽  
多感後池楊柳眼  
一回相對一回青

歷城春日對酒

數尺遊絲拂面來數枝紅杏向人開  
眼前信美非吾土  
且勸春風酒一杯

戲別申申堂

翠柳和煙籠碧沼紅芳如火照  
諸鄰主公欲去寧無戀

倚翠偎紅屬後人

汴水卽事

波狂如箭雨如絲汎汎扁舟瞥鳥飛  
睡起謳鷗乍鳴櫓  
却思村舍聽鄰機

澄清閣

在楚州

范滂雅志在澄清今日廉車命閣名  
華榜高標雖具美  
奈何長是困蒼生

贈江州李虛一司戶

官况蕭條三語掾地居卑隲九江城  
曾聞午夜開宣室



早晚君王召賈生

劉仙石 在江州太平興國觀

神仙不死石長存萬古千秋表洞門人欲求真好修煉  
莫徒將杖叩苔痕

又

支機莫問君平肆取履誰修黃石祠深洞自開人不見  
何須惆悵憶當時

交代屯田遠惠書問紙尾批示若就江州至軍  
兼又可腹背游覽廬阜因成拙句且答佳意

廬山在境好行春猶恨奇峯屬半鄰腹背徧游煩示諭  
即當先謁樂天真

將至南康道中

湓江輟棹整驂駢松路揚鞭入翠微好是近郊人候望  
紛紛羽服與田衣

招二三僚友游廬阜

雨餘廬阜連天碧公退鈴齋盡日閑為報二三佳客道  
速須蠟屐共登山

遊栖賢



偷得沉迷簿領身暫來林下訪幽人雲泉滿眼慵歸去  
便擬拋官學隱淪

歌者李蘇蘇

齊州

歌妙纍纍若貫珠歷城惟祗數蘇蘇何當更唱陽春曲  
爲爾今宵倒玉壺

過渦河

揚鞭策羸馬橋上一裘回欲擬臨渦賦慙無八斗才

曹

子建臨渦作賦書於鞭上

馬上口占

前年躡屩念歸歎今日乘軒類使乎千里班春憂寄重  
自慙翻屬箇非夫

登泰山簡周行

日日塵中眼不開慙登蒼翠喜游陪莫辭辛苦經難險  
大有人生不到來

又游靈巖

紅塵滿馬三回到青嶂迎人萬疊開却被野僧相顧笑  
區區還是舊時來

次韻酬陳判官見貽



一篇為惠在瑤封疑得仙文自藥宮始信夫君才力大  
居然天地入形籠

周成職方笑臺

賈生太息唐衢哭感事傷時可奈何爭似君當堯舜日  
臺頭大笑樂天和

感事

東家木鐸德音遠西竺金人像教來禮樂不與王道絕  
吾民何日遂康哉

題蔡州壺仙觀

龍學四月八日遊蔡人每歲于是日來集此歡賞遊歌其觀在

城北十里許有仙榆數十株亦名大木觀

鷲老花殘過禁烟杖藜閒步到壺仙仙家本是無塵地

別有春光一洞天費長房懸壺之地

聚為九老自詠龍學因分司西京御史臺與司馬溫公九人為真率會謂之九老

科名高壓玉堦前歷任公卿四十年休道老夫無事業

兩扶紅日上青天英宗皇帝即位龍學充皇帝即位契丹皇太后國信使及神宗皇帝即位

是時龍學為開封府太尹

題蔡州東湖



夕陽水底霞鋪錦清夜波心月湧金此是東湖最佳處  
無人來伴水仙吟

詠繭兒

千絲萬縷自經營本爲藏身却誤身待得巧成歸鼎鑊  
不知輕煖屬他人

和歐陽永叔次韻

前日西行別翰林爲我開尊飲之酒高冠滿坐皆賢豪  
談笑喧呼時各有自慙流落疏游陪十載江湖成浪走  
主人名重聞四夷典冊高文推大手發揮六藝無遺精

攷黜百家如拉朽顧我昏冥聞道晚代謝春秋四十九  
當年擊節傲金注此日強顏同木偶事功未省成尺寸  
廩祿惟思校升斗會須歸去老東陂鼓腹含飴逐堯叟  
題袁州東湖盧肇石

袁山之陽秀水側草覆遺基誰氏宅皆云子發其姓盧  
往以文音名籍籍宅中舊物何所存惟有嶙峋一區石闊  
纔三尺高倍尋久臥塵沙羣瓦礫余心好異因獨往下  
馬環觀聊拂拭地表可見十二三已足怪駭動魂魄呼  
工運鋪塹其旁挽以長絙百夫力雜然鼓譟登大車恍



而民遺緒卷五  
然如蒙巨靈劈選置東湖最佳處四面澄波映天碧倚  
空突兀無與隣頓覺亭臺增氣色彎環幽竇莫敢揮恐  
有牛龍飛霹靂余嘗南游到陽朔衆峯轟轟春筍植捫  
蘿踏蘚窮之遍若此奇峯會未識郡人奔走來如雲故  
老驚視復唧唧乃言此石遇真賞屈指於今年二百沉  
埋曠代誰爾珍一日先價逾荆壁嗟余束髮大夫後區  
區志尙惟孤直十年再謫非不窘猶慕聖純無改易如  
何故老不我愚感物再三逢嘆息石不能言人有言勿  
使他時重溷阨

和李泰伯題東湖

晴烟羃歷淡湖光勢勝居然占一方拂水萬絲楊柳弱  
倚風千葢芰荷香縱遊閒泛蘭舟穩半醉狂眠石席涼  
公退每來須度日却疑身出利名鄉

和題宜春臺

異鄉何處散幽懷賴得城中百尺臺還向天涯驚歲住  
那知春色爲誰來雪消江上看梅發風暖衡陽有雁回  
強擬登高聊賦咏再三媿乏楚人才

題尚書余襄公西園

尚書余靖在韶州居龍學  
時爲廣南東路轉運使



臺閣清風正凜然歸休車騎曲江邊及親已具三牲養  
負廓新添二頃田萊子長年榮綵服銜公雅意樂平泉  
官閒道在心無悶惟惜光陰事簡編

題余尚書山居要術

張衡已作歸田賦汜勝仍修種樹書願借山居精要術  
欲將嵩洛葺吾廬

袁州慶豐堂十閒詠

皇祐五年十月二十一日

吏散鈴齋掩閒眠到日斜無端是春夢容易繞京華  
鄭聲良可厭閒抱七絃琴欲識調弦意理人先理心

年長身多病閒抄已試方未甘先犬馬畢命報恩光  
青山日相對閒看白雲生誰謂無心出中含濟物情  
曉按三杯後閒烹北苑茶色香俱絕品雪泛滿甌花  
扁舟賓客少閒作道家裝跡靜心還靜逍遙覺日長  
雨霽輕埃息閒吟面曲池遊鱗時對擲雙破碧漣漪  
朝來因試筆閒答故交書莫怪音塵絕吾心與世疎  
漸老無功業閒思惜壯年桑榆如有得猶可勒燕然  
晴軒足清趣閒與鶴開籠寄語北山侶無驚蕙帳空

和闍運使以詩見獎吏隱宜春郡詩



狂吟何足語風騷和寡甘降郢唱高敢望與言同子夏  
競推多可似山濤九成豈後虞韶美一字終虛魯史褒  
自笑潢汙不盈尺猶將學海去滔滔

和李泰伯送春

九十日春今日盡送春何況我偏知後期應在經殘臘  
重探梅開雪裏枝

再和二首

憶惜相逢甲午年與君同賦送春篇等閒又見春風老  
更捧新吟一惘然

萬樹紅芳落漸稀浮榮能得幾多時孤根未識陽和力  
春去春來兩不知

九日登袁州宜春臺

落帽佳辰又到來黃花爛熳爲誰開已經多歲衰容改  
更被無情急景催取次杯盤須盡醉隨宜歌管任頻陪  
却慚未報君恩厚空向山城養不才

詠震山巖彭徵君釣臺

彭構雲宜春人力學多通尤善講易陰陽圖  
緯無不精究注通元真經辭理深遠世所推



重隱居不求聞達唐天寶中刺史李璟以其  
名聞上遣使者齊延邱以蒲輪徵之凡二往  
始至元宗欲官之徵君辭焉堅乞歸鄉上元  
元年六月卒年六十三葬東原有釣臺在震  
山之前本朝皇祐五年九月二十日休假龍  
學與郡僚遊震山巖因以詠之震山離州東  
十里釣臺本一巨石紹興己未季春雷轟石

斷

閒作山城吏隱居敬君真逸寓漁磯臺前巖畔清風在

尙想烟波映芟衣



祖無頗 字夷甫以父蔭補官提點福建路刑獄見祖行所述始末  
 跋韓熙載夜宴圖

南唐中書侍郎韓公熙載後主時知國祚將廢放懷盃酒間以自汗後主欲用為相而聞縱逸不檢每伺其家宴令畫工顧宏中丹青以追其卷首即與公門生朱銑紫微印粲狀元及教坊副使李嘉明並其妹按胡琴又公自擊鼓妓王屋山舞六么王屋山俊慧非常公最憐每醉須樂晤之乃醒幼令二婢出家號凝酥素質後主復信小人之譖遂黜公以左庶子分司南京受命日盡



逐羣婢單車卽路後主憐之留爲尙書不數日羣婢復  
集飲逸愈甚後主嘆曰孤不得熙載爲相矣旣而薨于  
私第後主泣之慟贈平章事謚日文元豐己未孟夏二  
十日洛陽祖無頗題

南祖德恭字肅之資州太守無頗子見祖行跋語

跋西齋話記

每覽叔祖話記乃見編次有序記述甚詳其間告戒亦  
有深意使人讀之當銘佩其言不可遺也書于資中郡  
舍坐嘯堂時建炎二年八月初四日也

張安卿挽詞三首

孝養人誰及清修少比倫旋聞丹旆具我見軸車存空  
歎音塵遠猶思燕席温安然向窰窰感涕一銷魂  
清白傳家舊天鍾閒世才大椿宜更壽喬木遠先摧難



止交情淚空遺寶燭灰幽墟歸葬處慘慘暮雲堆  
重嘆張夫子神襟遠弗寧摧山傾嶽算萎哲掩椿齡舊  
室惟圖像新阡但刻銘何堪聽歌挽埋玉在幽垆

南祖 行承務郎無  
擇曾孫

祖氏源流錄

上世幽州祖於范陽為著姓

涿州三縣范陽固安新城

其後稍徙深

州而因家安平縣凡數世

幽州南一百二十里至涿州南又一百二十里至深州倚

郭縣曰逮至皇朝曰諱仲宣仲儁者隨李丞相自深而

遷汴故相文正李公昉之壻則仲宣是也仲宣仕為都

官生侍郎諱岳貫開封府開封縣清河坊戶至道間始

來寓居蔡州仲儁遭際太祖拔擢為右補闕廣南西路

轉運使與其子諱岳回居許州岳以宿骨為仙侍郎有



四子伯曰士良無祿早世仲曰士安登天禧三年進士  
科終銀青光祿大夫季曰士龍用弟士衡蔭補官終大  
中大夫曰士衡狀元及第終知制誥

平叔公始末

公諱士衡字平叔侍郎第四子十八歲殿試狀元及第  
因有官移爲第二人是時試清明象天賦明徵定保詩  
盛德大業論祥符九年也尙書李宗訥之壻後娶太師  
向文簡敏中之孫女唱名曰文簡在殿上拜謝歷秘書  
省校書郎戶吏二部郎中右正言直集賢院同修起居

注右司諫同提舉在京諸司庫務司文簡薨恩及外族  
例加一官特授起居舍人晏殊行制詞有告存焉錄之  
於後天禧四年八月除知制誥乾興元年七月出知吉  
州任滿歸京天聖中奏勅撰向文簡神道碑銘卒享年  
三十六有西齋話記一冊其餘所作之文俱遭兵革散  
失而僅存一二今編而次之畧見其大概云

龍學公始末

公諱無擇字擇之蔡州人王父尙書吏部侍郎諱岳父  
銀青光祿大夫諱士安公寶元元年進士第二人及第



授承奉郎通判齊州年餘詔試充直史館次知南康軍  
海州遷秘書丞廣南路徙荆湖北路皆爲提點刑獄加  
太常博士直集賢院改廣東轉運使時廣源州蠻入寇  
陷嶺外數州公提兵勦逐未幾移典袁州自慶歷詔天  
下立學十年間徒爲文具無命教之實公下車首建學  
宮置生師郡國弦誦之風由此始盛詔除同修起居注  
時封孔子四十七代孫宗愿爲文宣公公言前代所封  
在漢魏曰宗聖在晉宋曰奉聖後魏曰藻聖北齊曰恭  
聖唐初曰褒聖開元中尊孔子爲文宣王遂封其後爲

文宣公是以祖謚而加後嗣非禮也於是下近臣議改  
爲衍聖公尋奉使契丹回數月出知陝府及湖北轉運  
使入爲中書舍人兼宗正寺修玉牒官判太府寺嘉祐  
六年富相奏舉天下遺材詔從時王拱辰尹洙薦邵雍  
仁宗命公行詞次後公與宰相吳充復薦之嘉祐八年  
假右諫議大夫充英宗卽位契丹皇太后國信使還見  
對以御書御篆四朝寶字賜之仁宗虞主至自山陵英  
宗迎至集英殿公與諫議司馬君實奏請親虞下禮院  
詳議以聞治平元年獻皇極箴司馬君實獻戰國通志



並賜詔獎之二年糾察在京刑獄遷左諫議大夫加龍  
圖閣直學士權知開封府七月進龍圖閣學士知開封  
府其後出知鄭杭二州神宗詔知通進銀臺司初詞臣  
作誥命許受潤筆物王安石與公同知制誥公爲先進  
安石辭一家所饋以其物置舍人院梁上安石憂去公  
性端毅以安石沽矯虛名取爲公用安石聞而怒之後  
安石出使江東多招士謗公作書馳報可謂忠言安石  
答書其言怒益甚至是安石當國密諭監司求公守杭  
之事監司承風旨採以妄言聞於朝廷乃遣御史王子

韶按治終無所得子韶知安石意誣以送賓客酒三百  
小瓶蘇頌鄭獬御史張戢等皆上疏力言其不可是時  
公年六十不幸值安石專政司馬君實堅辭求出公慨  
然乞分司提舉西京御史臺與文潞公當韓司馬溫公  
數君子爲真率會洛中謂之九老公分司十餘載神宗  
厭薄安石出於外元豐六年復起公典藩賜玉帶方大  
用公卒矣時元豐八年正月十五日士論惜之爲人好  
義篤於師友少從孫復學經術從穆修爲古文兩人死  
力求其遺本彙次之傳於世以言語政事爲時名臣槩



見於史冊公平生所作文甚多自兩經兵革之後家藏  
并收拾止得十之二三今集爲十卷名曰煥斗集蓋取  
公出知陝府日歐陽永叔餞行詩有曰西州政事藹風  
謠右掖文章煥星斗故也又有名臣賢士詩與文兩卷  
附之公之叔祖諱岳爲神仙士衡爲狀元紫微弟諱  
無頗爲福建路提刑亦有傳記勅書與文其姪惟有資  
州太守諱德恭者詩三首又作四卷亦附之公之妻叅  
政王舉正長女連袂梅堯臣韓繹李復圭范子開紹熙  
二年九月吉日曾孫承直郎特添差袁州軍事判官仍

釐務范陽祖行謹題

夷甫公始末

公諱無頗字夷甫喜讀書不事他好刻意爲詩賦年十  
一用父府君蔭補官試於京師其文中有司衡尺授河  
南府永安縣尉到官一年用兄無擇爲廣東轉運使過  
嶺恩例奉乞家便授江陵府法曹移廣安軍渠江縣令  
以廉幹稱改天平軍節度推官知福州寧化縣簿書民  
事之暇讀書溫習寢食不釋卷會是年舉進士鏢試中  
格迴改大理寺丞荆門軍簽判數月移知化州治平四



年轉太子中舍又轉殿中尋監在京布帛轉國子博士  
通判登州時熙寧役法行爲管幹官轉運虞部員外郎  
通判婺州攝治吳興郡元豐三年官制行換朝奉郎復  
轉朝散郎爲九江守有治狀爲朝廷所知俄被詔權開  
封府推官三院獄空開府府尹王存上表稱賀賜公獎  
諭銀絹修京城用夫役十餘萬人爲專一都大提舉官  
元豐六年閏六月十三日公上殿奏修城事稱旨賜金  
紫謝恩當殿兩拜河決陽武會西使亟至命公疊治道  
路無舛浸之患特減年磨勘改朝請郎除駕部郎中自

陝西罷牧馬監其廢弛多爲民所占公奏請官根括皆  
如公所請復賜帛元豐八年公上疏爲亡兄無擇安葬  
事乞補外任遂知潁川轉朝奉大夫移知邢州乞將合  
轉官永不改贈父止乞改贈兄官所請不行而竟不下  
磨勘就移提點利州路刑獄未逾年以西京蔡州族屬  
口夥食貧乞官官以便撫恤授提舉西京嵩山崇福官  
因盡散所有以給不足公居蔡日以松楸爲事終宮觀  
任不離墳側芝生於墳者數十本蔡人異之以爲孝德  
所感秦觀紀述其事獎勸風俗尋授提點福建路刑獄



諸州斷案有宜輕而誤重應出而誤入皆原情糾正不  
動州縣情輕者以減無辜者獲免屢司邦憲未嘗起獄  
以沽時譽大抵明敏尤長於吏事其持已也嚴其治人  
也忽見於行雖不能爲驚俗可喜之事人皆知其忠實  
而不華行於政雖不爲振衆可懼之法入皆知其公正  
而不倚自福建歸元祐八年八月二十日感疾卒于杭  
州餘杭之江亭享年六十有五故死之日無不歎息皆  
曰天奪吾善良其子球禮等扶護歸於蔡紹聖三年正  
月六日葬從先塋也初府君常以蔡州土厚水深可以

爲他日歸息之宅乃屬其子吾死當出祖於蔡及沒至  
自鳳州公與兄無擇能奉父之遺訓寶元二年十一月  
歸葬於汝陽縣西十里岡定居蔡州自此始也公有子  
七人長曰琚次曰球禮過房在龍學位曰琬曰德孫曰  
德恭曰復曰德彰皆齒仕版女二人長適奉議郎前知  
蘇州長洲縣李秬次適承議郎尙書司勳員外郎陳并  
孫兒女二十人

祖氏遺編卷五終





祖氏遺編卷第六

三十世裔孫之望謹編次

著述

南去華公 浦城六世祖諱秀實弱冠貢入太學廷試第一釋褐授國子監博士仕至禮部侍郎

見家傳

寄吳晞遠 吳駿字晞遠元豐八年進士調潞州上黨簿太宰張商英首加薦引知虔

化縣通判永州未幾告老

官路聲名二十年江鄉舊仰貳車賢推將事業歸塵外  
收得工夫到酒邊解榻幾聞招隱士炷香終日對韋編



公朝况是登耆哲早晚蒲輪穩著鞭

萬姓統潛

穎仲公

八世祖諱世英弱冠成進士知融州見家傳

三學院

在新城縣郭文舉捨宅為寺

洞庭之山天下奇岡巒百轉盤青嶠金堂玉室白雲鎖  
中有仙客來栖遲方晴秀骨郭文舉孤劍青鞵出巖戶  
揭來此地訪禪翁共掃松花談太古拏雲忽駕升天行  
西歸隻履埋巖坳聲流影散遽如許故山惟有松風清  
道師懷古興不淺堂宇橫陳迎翠巘悠悠遐想山阿人  
水帶雲衣猶在眼涼飈五月吹浮埃蕉旗竹篲搖空階  
我來箕踞發長嘯月光飛射雲樓開寸心浩蕩逸天外



欲去復住聊徘徊永懷西山五色藥服之羽化登蓬萊

Blank columns for text on the right page.

守中公

八世族祖諱逢清成進士靜江府教授見家附傳

次韻謝詹環仲

守中公上庠升內舍紹興初太學與司業高閔以為學錄調邵

武縣主簿丞相秦檜以逢清為舊學人改除靜江府教授有謝啓云罔俾阿衡專美何慊乎哉謂與周公孰賢無閒然矣權行多士輕重無心利亦一揮斲朽株而作器靈丹九轉點頑鉄以成金既而之官知錄詹環仲以詩餞之公因繼韻以謝其首云

在學得益友結廬依寶鄰自慙菡葭質長倚玉嶙峋



國朝汝欽公祖父諱德洽歲貢生贈榮祿大夫見家傳

續文說

昔元人陳繹曾因仁宗肇行科舉撰文說以為程式使天下皆束才於法此變古文為時文之始也至本朝俞長城由康熙而上溯嘉祐舉三朝百二十家之作搜葺布護如王半山蘇穎濱陸象山皆在茲選惟元代不與焉使天下知法密而不滯於法理醇而不腐於理此進時文於古文之幾也今之議者動謂古人之體裁必無當今之繩尺苟合於今必戾於古嗚呼是亦惑矣其



言理也燦乎日星明而江河流其於法也鏘然韶鈞鳴而麟鳳翔其上若六經若史漢次若唐宋八家明之歸唐國朝之侯魏各以其文鳴大則經緯天地小而繩樞草舍皆文也孔子曰文不在茲乎又曰詞達而已矣夫詞至於達則理明而法立矣然不讀萬卷書不行萬里路畫史且不可况可以言文乎吾故欲多讀書多閱歷取其不腐於理不滯於法者以為作文法

菁圃公

父諱率英增貢生累贈榮祿大夫見家傳

書時術齋日課

韓子有言業荒於嬉行毀於隨勿泛鶩勿坐馳勿逐物勿比匪勿畏難而自阻見異而意移務人一而已百母欺人以自欺惟銖積而寸累恐惕日以玩時學以植身非是則萎學以經世非是則迷左圖右史溢為文辭純如繹如朝斯夕斯昔人懼修名之不立恥一物之不知幼而憤憤長而詭詭迨老而悔何追矣小子識之

此先大夫題日課語也少壯不努力五十



而無聞伏讀一過爲之泣然男之望謹識

劉君某雙壽序

天之生才不一而所以用人之才亦殊其顯者奇材異質抱負非常取青紫如拾芥蓋將以文章政術展布以鳴 國家之盛也其重者道德修於身行於家可以爲世法肅肅雍雍有隆古之風二者皆天之所用而人之所以應乎天者則視其根器之厚薄以得其一途是有數焉亦有志者之所自立也劉君某邑之善士也賦性純謹少穎悟好學及長學爲舉子業見他人嘉許之文

輒虛心受教及明其義又慨然曰聖賢千言萬語意豈在是乎因不以仕進爲念凡行已立身必循軌物於兄弟之間備極友愛鄉之人咸敬重焉至不肖之名恥爲其所識此誠三代盛時所亟推崇爲比族黨之師而擴其量則可以列更老而食太學者也余嘗惜周官之法不復能行於後世篤行之士徒修諸身蘊諸家而已其蘊極而發往往保世昌後食報於子若孫而及人者不遠顧吾聞之古有匹夫而化鄉人者可推於鄉卽可推於國與天下修德而致福必然之理也觀天之所以賦



於君與君之所以應於天者斯誠不負世固有取魏科  
顯爵徒以富貴自參而毫無益於世者以視君所爲輕  
重得失何如耶德配某孺人治家有法與君同志佐以  
勤儉處妯娌無間言事翁姑而至孝子九人長某嗣與  
君之兄爲後在京數相來往恂恂曲謹有父風焉天之  
報施善人意自有在也君今年七十孺人七十一某屬  
余序以侑觴以君之自立與孺人令德固足以致名公  
卿鋪張之文某獨勤勤於余者以余之言質而實又惡  
乎世之以豐大繁富之詞夸耀於時人而無當也夫軒

冕之榮有盡而聞譽之施無窮天之壽君與孺人不如  
君孺人之自壽於世者爲莫可量矣書此爲誦亦因以  
爲禱焉

題積石山圖

積石若捲雲雲來石不礙林木出其巔縱泉走於內不  
見採樵人山空石聲碎

千叟宴恭紀

乾隆五十年正月初六日

賜千叟宴於



乾清宮與宴者自王以下文武大小官員及兵民等凡  
三千人臣時以翰林院庶吉士受加一級封  
附六品官之列凡五百九十六人謹稽首再  
拜而獻詩曰

華藻春祺宴鴻龐昔夫聞青髻

醇化淡黃髮

慶膏殷鷺序承瑤爵

鸞書荷錦雲松喬寧有此佺羨得同羣  
疊璧恒流彩編珠自耀文九皇超太古  
萬禩瑞氤氲

除日盧霽漁遂太史招飲陶然亭原韻

爲歡新故歲折柬事登臨節序忽過眼春光多上心  
斜陽明古寺清磬出疎林何必屠蘇酒陶然樂意深  
茲亭可小憩卽目卽心安土屋藏新火山風送暮寒何  
人出塵網有客倚雕欄不辨蘆芽長白雲隨意看

長安本棋局未許別間忙我亦來燕市敢希觀國光

時應

北闈知非慙伯玉作賦愧黃香來歲逢磨蝎多應拚退藏

明年歲在亥故云

鬢絲憐我長杯酒見君真兒輩趨陪後

時小兒之望

同



鄉意氣親關情惟下若有脚是陽春翻笑祭詩者勞生  
未了因齊漁一年得詩最多僕想  
今夕亦當設酒脯祭之

允諧公諱之彌 菁圃公長  
子廩貢生 見家傳  
南浦書院賦

西山之鄉粵山之陽盤紆地脉秀發堂防抗嶮岬而特  
起涵奧衍之中藏地以靈而始傑道用變而彌光鋪觀  
自昔羽流是宅實惟癸未乃新乃革文翁之所營度曹  
全之所庇飭揮旁門而廓清割太半而式闢因崖絜構  
順沼裁基斗室鱗次講堂翬飛面長廊之修潔背曲磴  
之逶迤接羹牆於几席煥奎壁於芬楣勝蹟既恢勝事  
斯備經義流昌齋規峻邃合時術之名流副雅材之新



意申前哲之辦香簪百工之居肆景何地之不佳學何時之不宜及春華而努力恐流光之已馳爾乃窓前綠滿亭角紅欹書聲在牖鳥語在枝緬崇修之善矩將抗志於風雩若夫蘭池泛馨梅林藻暑日如小年山如太古筆蘸泉而轉清琴和松而再鼓鏡仙井爲心源擴洞天爲靈府亦或園亭薦爽燈火新涼碧霞掃翳華月舒光延秋室之子雲續秋賦於子方感代謝之物化釋勵志之詩章及夫冰沼澄輝霜條落翠梅有天心雪無世味期三冬之足用况三餘之得地將希聖而希賢敢或

玩而或惕遂乃耳濡目染心曠神怡揭鷺湖之芳準稟鹿洞之成規陳他山之古義裕名山之素期回憶鐵笛遺響玉蟾舊棲雖厥風之足尙遜斯文之在茲我思古人恥同汚俗入源水而栽桃隱柴桑而種菊或依李充之山或就張超之谷詎如此間邱壑自然亦曠亦奧可歌可絃衍憲侯之文藻溯真儒之淵源匪逍遙之是託將憤樂以忘年



祖氏遺編卷六終



